

# INUIT ATAQATIGIIT

## INATSISARTUNI



UPA2022/023 & 024

21. Marts. 2022

Hans Aronen

**Unga siunnersuut: Suliffissarsiortunut ikorsiissutit pillugit  
Inatsisartut Inatsisaat.**

(Isumaginninnermut, Suliffeqarnermut Nunamullu Namminermut  
Naalakkersuisoq)

**Unga siunnersuut: Suliffissarsiornermut ikorsiissutit pillugit  
Inatsisartut inatsisissaat aamma unga siunnersuut: Pisortanit  
ikorsiissutit pillugit Inatsisartut inatsisissaattut siunnersuut.**

(Isumaginninnermut, Suliffeqarnermut Nunamullu Namminermut  
Naalakkersuisoq)

Inunniq isumaginninnermut ikorsiisarnermullu suliat pillugit Namminersorlutik  
oqartussaqarfimmi kommunillu akornanni suleqatigiinneq pitsanngoriartorpoq.

Tassanngaannarlu suliffissaarunnermi inuiaqatigiit ilaannut sunniunnerluttartut  
akiorniarneri ukiorpanni pitsanngorsarneqartut uninngangillat  
aaqqissuuttuarneqarlutillu. Soorunami tessanngaannaq sulliffissaartuartarneq  
inummut eqqungaajuartumut tarnikkut annertuumik timikkullumi  
atungarissaarnissamut annertoqisumik artorsartitsisarpoq. Ullumikkutulli  
pissutsit iinnassappata ajornartorsiutit uteqqattaartuartussaapput,  
suliffissaaleqisumut suliffissaaleqilersumulluunniit suliffissarsiornissaq  
kajungernartuuusariaqarpoq nalunagu timikkut tarnikkullu  
iluaqtissarsiffiusinnaasoq.

Inatsisit Suliffissarsiornermi ikorsiissutit aamma Pisortanit ikorsiissutit  
akornanni pineqartunut sullissinermi ajornartorsiortitsiuarsimasunik

# INUIT ATAQATIGIIT

## INATSISARTUNI



aaqqissuuusineq matumani pineqartoq, susassaqartunit tamanit sullissiuusuni  
akisussaasuusunlu pitsaasumik paasineqarluni suliarineqaleruni  
kingunissarissaartoq isumaqarpunga.

Tusarniaanermi akissutit kommunininit tamanit akuulluarfigineqartut ersarippoq, tamanna aama paasinaruinnarpoq. Kommuninummi suliassatigut isumaginninnikkullu annertuumik eqqorneqartarsimasut matumani aaqqissuuusinermi ilisimasatik ersarissut saqqummiuppaat. Taakkuugamimmi qaninnerpaamik uummateqarfingalugillu eqqornerlungaasartunut sullissiuusut.

Inuit Ataqatigiinniillu nuannaarutingaarpot naleqartilluinnakkatsinnik ullutsinnilu pisariaqarluinnartumik suleqatigiinnermik naalakkersuisut ingerlatsiniarmata. Tusarniaanermi akissutigineqartuni tusarniutigineqartumut iluarsiissutaasinnaasunik ilaasutigiumaneqartunillu tigooqqaalluarlutik suleqatiginninnerat pillugu nersualaartariaqarput.

Ataatsimiitaliani susaasaqartuni annertuumik eqqumaffigisassaqarpoq, tusarniutit maluginiarneqarluartariaqarput, inatsisini ima ittuni pissaanerit akimorlugit inatsisiliornermi suleqatigiinnissaq inunnut pineqartunut pisariaqartitisunullu pitsaasumik kinguneqarluarsinnaasoq qularinnannatsigu.

Suliaq naammassineqarpat suliassaqarfiiit sinaakutitigut pitsaasumik paasinnillutillu suleqatigiilluassappata qulaajaalluarsimaneq pisariaqarpoq.

Siunnersuut Inuit Ataqatigiit sinnerlugit tapersorsornarteqaara, Ilaqutariinnermut peqqissutsimullu ataatsimiitaliami aammalu inuusstissarsiornermut aatsitassanullu ataatsimiitaliami suleqatigiissutigineqarsinnaasutut isingalugu ingerlateqqipparput.